

南宋六

晞髮友集下

石屏集上



晞髮集卷之五

宋謝翱 臯羽父

明潘是仁 詡叔甫

五言排律

中秋憶山中人

茲夕發清嘯為君楚舞終
西風五陵夢涼露九霄
中野邏煙常起溪流榜不通
天陰無乳兔林盡見
飛鴻溼溼雲垂髮丸丸樹偃弓
劔歌玄武莫塵語
白鷗空祗有淮南泪應沾青桂叢

僊華山招隱

黃帝女早僊處山下有昭靈祠獻陵賜額猶
在

軒后悲蒼劍神娥下玉簫攀髯初失夢遺蛻尚凌
歎碧墮升棺影青分產柱苗山精依鹿竹天雨溼
雞翹有約成孤憤無人重久要參龍因姓氏使鶴
語軒輶冉冉將終老冥冥不可招無書寄青雀有
恨在中條

野霞觀瀑

他年疏上浮早日此中投汲飲當魚人垂綸卽虬
遊淨祠無血食暎雨不腥流僧語皆前事人來盡
別州草語長過雪沙犯欲捐湫至竟何依止蒼茫
難禱求

萬松道中望南太白

筍輿行萬山中有十里亭老樹祗一色野公逾百
齡柴關當太白藥氣近樵青罔草粘枯翼巢枝落
退翎期探幽谷水共斲松根苓艾納下天雨塵風
吹冥冥

雨宿太白

有阜陵書太白
名山賜僧子朴

城中家斧冰此地絕炎蒸天食青童捧龍居白氣
升暗燈猶宿火寢服尚裹繒客話從前事書傳人
內僧風流今獨盡雲物老相仍淨榻搜涼卧危闌
入醉凭雨師行下界鳥夢識中乘明發甬南去他
山逢智弘


採藥候潮山宿山頂精藍夜中望海

蛟門南去鳥此地望迢迢積溼侵幡黑生寒入夢
飄見燈歸船夜聞偈解衣朝土植皆爲藥山枝不
滿樵暗光珠母徙秋影石花消擬候槎回漢寧甘
客老遼卻尋徐福島因問秦皇橋於彼看日出羽
旌焉可招

夜宿雪竇上方

雪竇師劍人住邊
支遁林買山隱處

眠山枕斧柯獨客愛盤阿畏日生塵夢尋仙到鳥
窠下方聞夕磬南斗挂秋河寢服侵雲卷頰泉通
瀑和竇分滄海月禪入沃洲歌此地精靈聚中宵
弄薜蘿



石屏詩集目錄

第一卷

五言古詩

求先人墨迹

夢中亦役役

飲馬長城窟

白苧歌

羅敷詞

題陳毅甫家壁

答婦詞

都中書懷

桐廬舟中

和山谷上東坡古風

題古源棠

大熱五首

久寓泉南 十首

題鄭寧夫玉軒詩卷

許以秋蘭一盆

和高常簿暮春

和鄭潤甫提舉

送伯成歸 二首

謝東侔 三首

觀六士龍作 二首

栗齋鞏仲至

杜甫祠

阿奇晬日

劉折父

玉華洞

祝二嚴

姝好詞

江南新體

感寓四首

寄章泉先生

頻酌淮河水

元宵雨

小孤山阻風

松江舟中四首

第二卷

七言古詩

題姚雪蓬使君

烏鹽角行

章泉二老歌

京口喜雨樓

琵琶行

毗陵太平寺畫水

南嶽

出閩

市舶提舉

趙尊道郎中出示

伏龍山民

會稽山中

高九萬見示

題申季山所藏

嘉定甲戌孟秋

盧申之正字 二首

鄂州南樓

題曾無疑

儒衣陳其

黃州棲霞

題上虞縣信芳堂

徐京伯通判

寄報恩長老

織婦歎

鄂渚張唐卿

詰燕

寄趙鼎臣

毗陵天慶觀

第三卷

五言律詩

歲旦族黨會拜

寄節齋陳叔方寺丞

姪孫子淵新居 二首

子淵送牡丹 二首

晚春

庚子薦饑 六首

壬寅歲旦

花朝

次韻君玉春日

代書寄韓履善

月夜懷董叔宏

夢中題林逢吉軒

姪孫子直家

諸姪登白峯

鴈山

解后

鴈山總題

會心

大龍湫

靈峯靈巖

淨明

題胡立方思齋

張子明索賦

謝項子宜

姪孫昂

歲暮書懷 二首

壬寅除夜

癸卯歲旦

新年多雨

讀三學士 二首

送王仲彝 二首

挽温嶺丁竹坡

廣東漕 四首

求安

秋日早行

石洲遇陳季申

書事

別李司直蕭小山

峽山二首

舟行英德江上

重陽舟中

故人陳秘書家 二首

口號送柳心篔

懷江村何宏甫

臨江小泊

寄鄭潤甫提幹

趙丞話書

謝蕭和伯見訪

董侍郎蒙泉書院

董叔震書堂

別董叔宏兄弟

聞邊事

宜春東湖

次韻董叔宏

所聞二首

歸舟已具 二首

張端義應詔 二首

揚州道

朱行甫和前韻

題宋安撫月中香

訪方子萬使君

諸詩人會于吳門

別邵武諸故人

一老儒為貴人燒丹

江上夜坐

江上

簡曾才叔

舟中

史賢良入蜀

賢良一和五篇

永新彭時甫館

所聞

訪徐益夫

渝江綠陰亭 二首

新朝士多故人

題新塗

清明感傷

都中書懷二首

歲暮呈真翰林

游天竺

盧申之正字小酌

鳳凰臺

山中即事二首

題徐京伯通判

江上

賢女祠

春盡日

寄粟齋鞏仲至

次韻史景望雪夜

春日懷家

寄沈莊可

山行

次韻謝敬之

淮上春日

麻城道中

望花山張老家

春日

聞李將軍至逮康

江漲見移居者

上喬右司

贈郭道人

送湘漕趙蹈中

立春後二首

寄韓仲止

題張僉判園林

哭趙紫芝

江村

臨江軍新歲

訪楊伯子

劉興伯黃希宋

秋夜旅中

舟行往吊故人

擬峴臺杜子野

無策

題萍鄉何叔

常寧縣訪許介之

建昌道上

訪嚴坦叔

杜仲高

見趙知道運使

趙叔屋山堂

黃道士出爻

感寓二首

新歲書懷

寄鎮江王子文

又送行

夜吟呈趙東巖

得古梅兩枝

貧作負恩人

題徐子英小園

登祝融

長沙有感

山中少憇

真州上官漕勸農

豫章東湖避暑

見江東繡衣

洪子中大卿

濠州春日

訪古田劉無競

淮上回九江

送陳幼度

燕

泉難

代人送別

度淮

蘄州厲使君

廬州界上

贈孤峯長老

吳子似

世事

冬日移舟

湖上

趙端行杜子野

海陵允孝長老

杜仲高

衡陽寫懷

懷趙德行

上封

九日

春陵道上

姪孫亦龍

二首

郭伯秀

訪陳復齋

第四卷

七言律詩

江濱曉步

鄂渚煙波亭

春日二首

釣臺

梅

清涼寺有懷

覺慈寺

寄復齋陳寺丞二首

黃州偶成

無爲山中鄭老家

南康縣用東坡

留題

李季允侍郎舟中

永新宰潘仁叔

廬山四首

豫章東湖感舊

同鄭子野訪王隱居

夜宿田家

送蒙齋兄長游二首

豫章巨浸呈

訪趙東野

方孚若真

廬州帥李仲詩

送滕審言歸長沙

張仁仲提幹衡陽

別後舟中用前韻

杜子野主簿約客

提刑彭仲節

中秋李漕冰壺燕集

題處士黃公山居

題何季湧江亭

和韶州許使君

南安王使君

題鄒震甫江山

去年訪曾幼卿通判

撫州謝樓宗丞

見訪

見淮東制帥趙南仲

鎮江別總領

董侍郎山園燕樓宗丞

聶侍郎領客

思歸二首

趙用甫提舉夢中

山中見梅寄曾無疑

余惠叔訪舊

兩山趙仁甫宰臨安

裘司直見訪留款

訪張元德

滕審言相遇話舊

汪給事守鄂渚

袁州化成巖

京口別石龜翁際可

古田縣行覽呈劉

無競

諸葛仁叟縣丞

飲中

都下書懷

新安寒食

癖習

田園吟

括蒼石門瀑布

登快閣黃明府

滕王閣次韻劉允叔

竹洲諸姪孫小集

都中懷竹隱徐淵子

石亭野老家

聞時事

到鄂渚

汪見可約游青原

寄廣西漕陳魯

江山

詠梅投所知

漢陽登覽呈王仲甫

鍾春伯園林

送黃教授

郡圃寒食

少算

送別朱兼僉

題王制機新樓

贛州呈雪蓬姚使君

第五卷

五言絕句

臘梅二首

汀州道上

題周仁甫二首

寄興

六言詩

贈萬杉老二首

第六卷

七言絕句

江村晚眺二首

見山居可喜

初夏

桂

江陰浮遠堂

淮村兵後

盱眙北望

晚春

揚州端午呈趙帥

次韻郭子秀曉行

山村

題吳熙仲雲萍錄

湘中遇翁靈舒

客中秋晚

都中冬日

湖上

冬至

釣臺

端午豐宅之

同蘄州上官

次韻梅花

醪醑

次韻盧申之正字

題黃州謝深道

題鄭子壽野趣

湘西寺觀瀾軒

定王臺

陶侃相

東池

初夏游張園

別許季如

船過桐江懷郭聖與

中秋李漕冰壺

燕集

寄上趙南仲樞密

初夏

覓芍藥代簡豈潛

趙葦江與東嘉詩

得早梅一枝

巾子山翠微閣

贈饒叔虎談易論命

招山乃詩人

湖南漕李革夫被召

清明感傷

次韻李伯高

嶽市勝業寺悅亭

訪舊

代簡答夏肯父

寄劉潛夫

周子益年八十

觀捕黃雀

九日

雪中觀梅

鄭子壽野趣燒燭

東湖看花呈宋原父

無題

到西昌呈宋愿父

人閩道中

嚴儀卿約李友山

李友山索詩卷

題牛圖

既別諸故舊

題陳景明梅廬

劉子及贈瑞桂

題梅嶺雲封四絕

戲題詩藁

石屏詩集

宋戴復古 式之甫 著

明潘是仁 訥叔甫輯校

五言古詩

求先人墨迹呈表兄黃季文

我翁本詩仙游戲滄海上引手掣鯨鯢失脚墮塵
網身窮道則腴年高氣彌壯平生無長物飲盡千
斛釀傳家古錦囊自作金玉想篇章久零落人間
眇餘響搜求二十年痛淚濕黃壤君家圖書府墨

石屏王言古 卷一
色照青嶂我翁有遺迹數紙古田樣髣髴鍾玉體
吟句更豪放把玩竹林間寒風凜悽愴昂昂野鶴
姿愧無中散狀兒孤襁褓中家風隨掃蕩於茲見
筆法可想翁無恙幽居寂寞鄉風月共來往衆醜
成獨妍羣瘖恠孤唱一生旣蹉跎人琴遂俱喪託
君名不朽斯文豈天相舊作忽新傳識者動慨賞
嗟予忝厥嗣朝夕愧俯仰敢陞顯揚思幽光發草
莽假此見諸公丐銘松柏壙君其啓惠心慰彼九
泉望

夢中亦役役

半夜羣動息五更百夢殘天鷄啼一聲萬枕不遑
安一日一百刻能得幾刻閒當其閒睡時作夢更
多端窮者夢富貴達者夢神仙夢中亦役役人生
良鮮歡

飲馬長城窟

朔風凜高秋黑霧翳白日漢兵來伐胡飲馬長城
窟古來長城窟中有戰士骨骨久化爲泉馬來喫
不得聞說華山陽水甘春草長

白苧歌

雪為緯玉為經一織三滌手織成一片冰清如夷

齊一作齊夷可以為衣陟彼西山于以采薇

黃玉林云趙懶菴為戴石屏選詩百餘篇南

塘稱其識精到其間白苧歌最古雅語簡意

深今世難得所謂一不為少

羅敷詞

妾本秦氏女今春嫁王郎夫家重蠶事出採陌上

桑低枝採易殘高枝手難扳踏踏竹梯登樹杪心

思蠶多苦葉少舉頭桑枝掛鬢唇轉身桑枝勾破

裙辛苦事蠶桑實為良家人使君何所為見妾駐

車輪使君口有言羅敷耳無聞蠶饑蠶饑采葉急

歸

歸

題陳毅甫家壁 了翁之後也

朱門金叵羅九醞葡萄春酌貴不酌賤酌富不酌

貧君家破茅屋飄搖河水濱中有一樽淥醉盡天

下人

答婦詞 舊嘗和顧彥先婦答夫二首故復賦此篇

江山阻且長，矯首鄉關隔。空閨泣幼婦，顛顛失顏色。
隱閔鸛鳴篇，寄彼西飛翼。剝封覽情素，旣喜復
凄側。別時梅始花，傷今食梅實。覽古帝王州，結交
游俠窟。千金沽美酒，一飲連十日。春風吹酒醒，始
知身是客。杜宇啼一聲，行人淚橫臆。衣破誰與紉，
髮垢孰與櫛。勿謂遊子心，而不念家室。新交握臂
行，肝膽猶楚越。醜婦隔江山，千里情弗絕。慙揮
報章歸，計何時。決今夕，知何夕。覩此纖纖月，此月
再圓時。門前候歸車。一作轍

都中書懷呈滕仁伯祕監

北風朝暮寒，園林日蕭條。自非松柏姿，何葉不飄
搖。儒衣歷多難，陋巷困簞瓢。無地可躬耕，無才仕
王朝。一饑驅我來，騎驢吟灞橋。通名丞相府，數月
不見招。欲登五侯門，非皓齒細腰。索米長安街，滿
口讀詩騷。時人試靜聽，霜枝嚙寒蜩。倘可悅人耳，
安望如簫韶。

柁廬舟中

吳山青未了，桐江綠相迎。扁舟問何之，往訪嚴子

陵高風凜千古卧蹴萬乘主富貴直浮雲羊裘釣
煙雨

和山谷上東坡古風二首見一朝士今取一
篇

白鬻非奇貨強鳴非好聲法當老山林松根斷
茯苓竭來長安道霜鬢迫衰齡窮吟無知音祇覺太
瘦生公詩妙一世風雅見根蒂比與千萬篇一作端
已作不朽計窮達雖不同嗜好迺相似斷一作斷

題古源棠和尚送青軒

南山色射窻北山光照戶道人處其中冰玉爲肺
腑茲山自開闢荒翳幾年所一朝得主人荆榛化
庭宇手披風月蔽日極烟霞趣居然獲奇觀人境
賀相遇道人詩更高不作蔬筍語朝對北山吟暮
對南山賦聞說玉堂仙擊節賞佳句

大熱五首

天地一大窰陽炭烹六月萬物此陶鎔人何怨炎
熱君看百穀秋亦自暑中結田水沸如湯背汗濕
如溼農夫方夏耘安坐吾敢食

左手遮赤日右手招清風揮汗不能已扇笠競要
功南山龍吐雲騰騰滿虛空一雨變清涼萬物隨
疏通向人無德色大哉造化工

大渴遇甘井汲多井欲竭入喉化爲汗不救胸中
熱吾聞三危露迥與衆水別其色瑩琉璃其冷勝
冰雪安得一杯來爲我解此渴

吾家老茅屋破漏尚可住門前五巨樟枝葉龍蛇
舞半空隔天日六月不知暑西照坐東偏南薰開
北戶胡爲捨是居受此炮炙苦

天嗔吾面白晒作鐵色深天能黑我面豈能黑我
心我心有冰雪不受暑氣侵推去北窻枕思鼓南
風琴千古叫虞舜遺我以一作好音

久寓泉南待一故人消息桂隱諸葛如晦謂
客舍不可住借一園亭安下卽事凡有十首

寄跡小園中自笑容異鄉東家送檳榔西家送檳
榔咀嚼唇齒赤亦能醉我腸南人敬愛客以此當
茶湯慙懃謝其來此意不可忘

寄跡小園中豈不勝旅舍俗事無交加客身自閑

暇鄰家有酒沽杯盤亦可借吟侶適相遇新詩堪
膾炙足以慰我懷留連日至夜

寄跡小園中數椽亦瀟灑主人既相知此地可久
假縣官送月糧鄰翁供菜把咫尺是屠門亦有賣
鮮者里巷通往來欲結鷄豚社

寄跡小園中餘春接初夏問木木成陰問花花已
謝黃鸝出幽谷杜鵑叫長夜把酒酌園婆遠客此
稅駕有時吟聲高鬼神莫驚怕

寄跡小園中一心安淡薄每坐竹間亭不知近城
郭昨日看花開今日見花落靜中觀物化妙處在
一覺委身以順命無憂亦無樂

寄跡小園中第一薪水便逐一炊黃梁兼得魚蝦
賤飽飯日無營遮眼有書卷時逢好客來應接不
知倦最苦風雨時有人招夜宴

逐一疑
作逐日

寄跡小園中新晴風日麗好鳥竹間鳴野鶴空中
唳悠然動詩興行吟撫松桂久客若忘歸此身笑
匏繫五月倘未行尚及食丹荔

寄跡小園中頗欲闕形影誰爲饒舌者太守忽相

請開口論時務細語及詩境坐中有蠻客狂言事
馳騁明日酒醒來熟思令人瘦

闕一作關

寄跡小園中忽有烏衣至手中執圓封州府特遣
饋羅列滿吾前禮數頗周緻四隣來聚觀若有流
涎意呼童急開樽四隣同一醉

寄跡小園中倒指五十日既得故人書南游吾事
畢再拜謝主公奉還此一室雲萍聚復散欲住住
不得折柳當馬鞭明朝有行色

題鄭寧夫玉軒詩卷

良玉假雕琢好詩費吟我詩句果如玉沈謝不足
多玉聲貴清越玉色愛純粹作詩亦如之要在工
夫至辨玉先辨石論詩先論格詩家體固多文章
有正脉細觀玉軒吟一生良苦心雕琢復雕琢片
玉萬黃金

許以秋蘭一盆爲供

吾兒來侍側供我一秋蘭蕭然出塵姿能禁風露
寒移根自巖壑歸我几案間養之以水石副之以
小山儼如對益友朝夕共盤桓清香可呼吸薰我

老肺肝不過十數根常作九畹看

和高常簿暮春

世變日以薄無從見雍熙閉門讀古書聊以道自怡桃李春盎盎風雨秋淒淒於春何足喜於秋何用悲人生一世間所忌立志卑終身有不遇千載皆明時我生無所解肥遯滄海沂一朝遇名勝朽腐生光輝歛衽贊明德非公誰與歸

和鄭潤甫提舉見寄

出門欲求仁取友必勝已寥寥雲海鄉所幸有君

爾胸蟠三萬卷智先三十里相與定詩盟誰能執牛耳

長身如病鶴吟苦如蟋蟀顧此顛頽姿癡生年八秩舉世皆好竿老夫方鼓瑟梅花莫笑人茅簷炙朝日

送吳伯成歸建昌二首

此是包宏齋倅台時作癸卯夏

老夫脚病瘡閉門作僧夏麥麩不療饑冬衣猶未卸喜讀吳融詩窮愁退三舍無因暗投壁有味倒食簾真搜琢肺肝苦吟忘晝夜工夫到深處非王

亦非霸

吾友嚴華谷實爲君里人多年入詩社錦囊貯清
新昨者袁蒙齋招爲入幙賓千里有遇合隔牆不
見親君歸訪其家說我老病身別有千萬意付之
六六鱗

謝東倅包宏父三首癸卯夏

詩文雖兩途理義歸乎一風騷凡幾變晚唐諸子
出本朝師古學六經爲世用諸公相羽翼文章還
正統晦翁講道餘高吟復超絕巽巖許其詩鳳凰

飛處別

君家名父子爲晦翁嫡傳嘗見黃勉齋極口稱其
賢師友相琢磨南軒惜無年翁之爲汝翁文字相
周旋冥渤深見底泰華高及天宏齋有鳳髓可續
欲斷弦

平生不識字把筆學吟詩舊說韋蘇州於余今見
之每遭饑寒厄出吐辛酸辭候虫鳴屋壁風蟬轉
枯枝但有可憐聲入耳終無竒宏齋誤題品恐貽
識者譏

觀陸士龍作顧彥先婦答夫二首有感韻

北風吹歲暮空閨獨棲止
夙興淚盈掬夕息夢千里
妾生胡不仁失身從浪子
嚼蘗苦我心餐冰噤
我齒離異何足愁險澀可勝紀
寄書西飛鴈反覆
話終始

鼠璞竊美名冠玉假外觀
良人誇意氣下妾愁歲
晏念君始行邁雪嶺梅初粲
春風桃已紅光陰等
飛彈相思果如何金環寬玉腕
昔爲連理枝今作
搏沙散惜哉牛與女
胍胍阻河漢特棲良獨難守

堅祗自讚雙劍幾時合
寄聲問華煥勿聽五羊歌
富貴忘貧賤

栗齋鞏仲至以元結文集爲韻

尋常被酒時歸到急
投枕爲愛坎山文
今夜醉忘寢偉哉涪溪碑
千載氣凜凜春陵賊退篇
少陵猶歛衽文章自一家
其意則古甚大美遺五味
純素薄文錦聱牙不同俗
斯人異所稟君君望堯舜
人欲舍廩古道不可行
時對窳樽飲

杜詩

鳴呼少陵醉卧春江漲文章萬丈光不隨枯骨
葬平生穆契心致君堯舜上時兮弗我與屹然抱
微尚干戈奔走蹤道路饑寒狀草中辨君臣筆端
誅將相高吟比興體力救風雅喪如史數十篇才
氣一何壯到今五百年知公尚無恙麒麟守高阡
貂蟬入畫像一歿不幾時聲迹兩塵莽何如耒陽
江頭三尺荒草墳名如日月光天壤

阿竒晬日

窮居少生涯養子如種穀十苗方在手想像秋禾

熟吾兒天所惠骨相頗豐碩娟娟懷抱中一歲至
週日願汝無災害長大庶可必十歲聰明開二十
蚤奮發胸蟠三萬卷手握五色筆策勲文字場致
君以儒術不然學孫吳縱橫萬人敵爲國取中原
闢地玄冥北他年汝成就料我頭已白光華照老
眼甘旨不可缺爲子必純孝爲人必正直以我期
望心一日必一祝勿爲癡小兒茫然無所識胎教
尚有聞斯一作言豈無益

劉折父爲吳子才索賦雲山燕居

燕居適所息非懷傲世心白雲自舒卷青山無古
今中有動靜機杳眇諧素襟以時爲出處懷人撫
瑤琴平生披短褐時來或華簪世論倘不合矢口
不如瘖避影長松下洗耳清溪潄慎勿出雲外黃
塵三尺深

玉華洞

憶昨遊桂林岩洞甲天下竒竒恠恠生妙不可模
寫玉華東西岩具體而微者神功巧穿鑿石壁生
孔罅玲瓏透風月宜冬復宜夏中有補陀僊坐斷
北瀟灑空山茅葦區無地可稅駕舉目忽此逢心
駭見希詫題詩媿不能行人亦無暇

祝二嚴

僕本山野人漁樵共居處小年學父詩用心亦良
苦搜索空虛腹綴緝艱辛語糊口走四方白頭無
伴侶前年得嚴粲今年得嚴羽我自得二嚴牛鐸
諧鍾呂粲也苦吟身束之以簪組遍叅百家體終
乃師杜甫羽也天姿高不肯事科舉風雅與騷些
歷歷在肺腑持論傷太高與世或齟齬長歌激古

風自立一門戶二嚴我所敬二嚴亦我與我老歸
故山殘年能幾許平生五百篇無人爲之主零落
天地間未必是塵土再拜祝二嚴爲我收拾取

婕妤詞

丹霞張誠子作此詞以示
僕僕疑其太文因作此

紈扇六月時似妾君恩重避暑南薰殿清風隨扇
動妾時侍君王常得沾餘涼秋風颯庭樹團團無
用處妾亦寵顧衰栖栖度朝暮扇爲無情物用捨
不知卹妾有深宮怨無情不如扇

江南新體

王建有此體
別張誠子

郎船江下泊妾家樓上住朝朝暮暮間上下兩相
顧相顧不相親風波愁殺人

感寓四首

采薇人固高飲露蟬遂清謀茲一粒粟舉世共營
營營營亦多塗中有虧與盈陋巷一簞食朱門九
鼎烹窮達各有命繫誰主權衡吾生未可必秋風
白髮生

蛛網幕虛簷一飽羅羣飛寒蠶齧枯桑一身終繭
絲物物巧生理我生拙奚爲貂裘日以弊石田歲

長饑一貧已到骨一氣儻未衰舉目送飛鴻悠悠
知我誰

夜雨挾西風撼撼庭樹浮生堪幾秋青鬢忽已
素鈿刀割九牛策蹇望長路所操莽無竒自好徒
自誤改絃調新聲履道易故步收功在桑榆其敢
怨遲莫

紅紫委路塵綠樹有嘉色剗心晚聞道玩物若有
得青春坐銷歇方茲見真實人生到中年胡不保
明德秋風墮庭梧棲鳳去無迹矯首碧雲端一語

三歎息

寄章泉先生趙昌文

靈鳳鳴朝陽神龍不泥蟠時舍不可爲昌父乃在
山思君二十年見君良獨難時於邸報上屢見得
祠官祠官祿不多一貧其奈何采芝亦可食當作
采芝歌近者李侍郎直言遭逐去人皆笑其踈君
獨有詩句君爲山中人世事安得聞入山恐未深

更入幾重雲

時悅齋李侍郎去
國章泉詩送其行

頻酌淮河水

有客游濠梁頻酌淮河水東南水多鹹不如此水
美春風吹綠波鬱鬱中原氣莫向北岸汲中有英
雄淚

元宵雨

窮人不謀歡元夜如常時晴雨均寂寞蚤與一睡
期朱門燦燈火歌舞臨酒池酒闌歡不足九街恣
游嬉前呵驚布人簫鼓逐後隨片雲頭上黑翻得
失意歸

小孤山阻風因成小詩適舟中有浦城人寫

寄真西山

羣山勢如奔欲渡長江去孤峯拔地起毅然能遏
住屹立大江干仍能障狂瀾人不知此山有功天
地間

松江舟中四首荷葉浦時有不測未句故及
之

夜聽楓橋鐘曉汲松江水客行信忽忽少住亦可

喜且食鱖魚肥莫問鱸魚美

行一作有

垂虹五百步太湖三萬頃除却岳陽樓天下無此

景范蠡挾西施功名付煙艇

秋風吹客衣歸興浩難寫寒林噪晚鴉紅日墮平

野笛師解人意棹酒旗下

扁舟乃官差舟子吾語汝汝為我作勞吾亦不汝

負好向上塘行莫過荷葉浦

石屏詩集卷之一終

石屏詩集

宋戴復古 式之甫 著

明潘是仁 訥叔甫 輯校

七言古詩

題姚雪蓬使君所藏蘇野塘畫

高者為山坳者為壑為烟為雲渺渺漠漠水鳥樹
林人家聚落騎者何之舟者未泊三尺紙上萬象
交錯天機自然神驚鬼愕嗚呼此吾故人野塘蘇
元龍之墨迹中有石屏老淚痕又與野塘添一筆

烏鹽角行

鳳簫鼉鼓龍鬚笛夜宴華堂醉春色艷歌妙舞蕩
人心但有歡娛別無益何如村落捲桐吹能使時
人知稼穡村南村北聲相續青郊雨後耕黃犢一
聲催得大麥黃一聲喚得新秧綠人言此角只兒
戲孰識古人吹角意田家作勞多怨咨故假聲音
召和氣吹此角起東作吹此角田家樂此角上與
鄒子之律同宮商合鍾呂形甚朴聲甚古一吹寒
谷生禾黍

章泉二老歌

在昔商山傳四皓又聞香山圖九老異鄉異姓適
同時爭如章泉一家兄弟登耆願章泉之上兩山
下有地可宮田可稼伯也早休官季也相約歸林
泉名動京口耕谷口山中有詩天下傳一生得閑
兼得壽皓首龐眉世稀有竹隱先生八十三定庵
居士七十九客從遠方來亦是六十叟手把一枝
梅奉勸兩翁酒問公何以致遐齡請翁細說吾細
聽不燒丹不學仙五行有常數天所稟賦焉人生

一氣統四體衆人斷喪吾能全要知養生無他術
日多喫飯夜獨眠承翁見教謝翁去兩翁慇懃留
我住是夜醉眠苔竹軒夢見山靈向我言翁之所
說皆不然兩翁盛德合乎天天與遐齡五百年

京口喜雨樓落成呈史固叔侍郎

京口畫樓三百所第一新樓名喜雨大鵬展翼到
中天化作簷楹不飛去一日登臨天下奇華燈照
夜萬琉璃上與星辰共羅列下映十里蓮花池泰
山爲翹海爲釀手挈五湖爲甕益銀精香沸碧瑤

春歌舞當爐多麗人使君歌了人皆飲更賞谷中
花似錦五兵不用用酒兵折衝樽俎邊塵寢茲樓
屹作東南美孰識黃堂命名意特將此酒喫爲霖
四海九州同一醉

琵琶行

潯陽江頭秋月明黃蘆葉底秋風聲銀龍行酒送
歸客丈夫不爲兒女情隔船琵琶自愁思何預江
州司馬事爲渠感激作歌行一寫六百六十字自
樂天白樂天平生多爲達者語到此胡爲不釋然

弗堪謫宦一作便歸去廬山政接柴桑路不尋黃菊伴淵明忍泣青衫對商婦

毗陵太平寺畫水呈王君保使君

畫龍篇
在後

何人筆端有許力捲來一片瀟湘碧摩挲老眼看
不真恠見層波湧虛壁天慶觀中雙黑龍物色雖
殊妙處同能將此水畜彼龍方知畫手有神通龍
兮水兮終會遇天下蒼生待霖雨

南嶽

南雲漂渺連蒼穹七十二峯朝祝融凌空棟宇赤

帝宅修廊翼翼生寒風朝家遣使嚴祀典御香當
殿開宸封願四海扶九重干戈永息年屢豐五嶽
惟今見南嶽北望乾坤雙淚落

出閩

千山萬山閩中路六尺枯藤兩芒履去歲梅花迎
我來今歲梅花送我去梅花豈解管送迎白髮胡
爲又南征天荒地老終無情歸去歸今老石屏

市船提舉管仲登飲于萬貢堂有詩

七十老翁頭雪白落在江湖賣詩冊平生知己管

石屏七言古 卷二
夷吾得爲萬貢堂前客
嘲吟有罪遭天厄
謀歸未辦資身策
鷄林莫有買詩人
明日煩公問蕃舶

趙尊道郎中出示唐畫四老飲圖
滕賢良有詩亦使野人着句

采芝商山秦四皓
象戲橘中爲四老
我疑此畫即其人
有時以酒陶天真
丹青不知誰好手
作此飲態妙入神
摩挲半世江湖眼
古錦軸中舒復卷
細將物色辨人物
迺是晉時劉畢與陶阮
一琴無絃橫膝上
一琴團團明月樣
一人持杓坐甕邊
一人

手携文一編
是中必寫酒德篇
諸君傷時強自遣
翹生風味况不淺
五胡妖氣蔽神州
誓江不救中原亂
新亭舉目愁山河
萬事何如一樽滿
一杯一杯醉復醉
天地陶陶盡和氣
道術相忘禮法踈
形骸懶散無機事
此畫流傳知幾載
生綃剥落精神在
何人爲我更作杜陵飲
中八仙歌
將與冰壺主人爲此對

伏龍山民宋正甫湖山清隱廼唐詩人陳陶
故圃曾景建作記俾僕賦詩

故人昔任金華峯面帶雙溪秋水容故人今住伏
龍山陳陶故圃茅三間千載清風徐孺子門前共
此一湖水百花洲上萬垂楊白鷗羣裏歌滄浪故
人心事孺子高故人詩句今陳陶短衣飯牛不逢
堯何如繡鞍上着錦宮袍瓦盆對客酌松醪何如
紫霞觴泛碧葡萄豆其然火度寒宵何如玉堂夜
照金蓮膏吟成秃筆寫芭蕉何如沉香亭北醉揮
毫再三問君君不對日送飛鴻楚天外細讀山中
招隱篇超然意與煙霞會照影湖邊雙鬢皓此計

知之悔不早三椽可辦願卜隣荷鍾相隨種瑤草

會稽山中

曉風吹斷花稍雨青山白雲無嚼處嵐光滴翠濕
人衣踏碎瓊瑤溪上步人家遠近屋參差半成圖
畫半成詩若使山中無杜宇登山臨水定忘歸

高九萬見示落星長句賦此答之

天星墮地化爲石老佛占作青蓮宮東來海若獻
秋水環以碧波千萬重雲根直下數百丈一作時
吐光燄驚魚龍鳳凰羣飛擁其後對面廬阜之諸

峯陰晴風雨多態度日日舉目看不同高髯能詩
復能畫自說此景難形容且好收拾藏胸中養成
筆力可扛鼎然後一發妙奪造化功一作高髯高
髯須貌取萬物昇沉元有數吾聞此石三千年復
化爲星上天去

題申季山所藏李伯詩畫村田圖

春秧夏苗秋遂穫官賦私逋都了却鷄豚社酒賽
豐年醉唱村歌舞村樂鼓笛有聲無曲譜布衫顛
倒傴僂舞欲識太平真氣象試看一作此畫有佳
觀

起管絃聲按宮商發細轉柳腰花十八羅幃繡幙

拂香

一作春

風九醞葡萄金盞滑王孫公子巧歡娛

勿將富貴笑田夫非渠耕稼飽君腹問有黃金可
樂無

嘉定甲戌孟秋二十有七日起居舍人兼直
學士院真德秀上殿直前奏邊事不顧忌諱
一疏萬言援引古今鋪陳方畧忠誼感激辭
章浩瀚誠有補於國家天台戴復古獲見此
疏伏讀再三竊有所感敬效白樂天體以紀

其事錄于野史

禁城鷄唱金門開起居舍人携疏來榻前一奏一
萬字歷歷寫出忠義懷頓首惶恐臣昧死越錄敢
言天下事百年河洛行胡朔恨滿東南天一角夷
甫諸人責未酬志士愁眠劔鋒落天意未回事難
舉鄉來一試成千誤犬羊頻歲自相屠盛衰大抵
由天數昨臣銜命出疆時自期有去必無歸屈膝
穹廬當憤死天相孤忠半道回金山之下長江水
擊檝中流書壯志東風吹上妙高臺畧望江淮見

形勢形勢從來祇如此幾年待得天時至朝廷爲
計保萬全徃徃忘却前朝耻臣今未暇論規恢胡
虜已亡何慮哉中原曠地無人管政恐英雄生草
萊北方苦饑民骨立萬一東來竊吾粟邊頭諸州
無鐵壁借問誰能備倉卒請朝廷厲精兵擇良將
辦多多策上上更選人材老練通達分守要衝講
明方畧一賢可作萬里城一人可當百萬兵坐令
國勢九鼎重所賴君心一點明長牋奏徹龍顏悅
繼言臣愚進此說言雖甚鄙用甚切宸斷必行天

下福勿謂儒生論迂濶臣之肝膽與人別讀書豈
爲文章設王師若出定中原玉堂敢草平羌策

盧申之正字得春郊牧養圖二本有樓攻媿

先生題詩且徵予作

竹弓鳴鴈鳴驚飛來別浦無人境春風不搖楊柳
影長頸紛紛占作家半游波面半眠沙或行或立
或如舞或隻或雙或羣聚飲啄浮沉多態度物情
閑暇世忘機分明一片太古一作時巧偽不作民

熙熙

我之居元在野平生慣識牛羊者今見蒲江出此
圖半日不知渠是畫一犍當前轉頭立一犍度浦
毛猶濕中有一蒼騎以牧犍犍相隨數十足殿後
兩枚黃鰓鯨分明如活下前坡路轉南山春草多
耳根只欠牧兒歌

鄂州南樓

鄂州州前山頂頭上有縹緲百尺樓大開窻戶納
宇宙高插欄干侵斗牛我疑脚踏蒼龍背下瞰八
方無內外江渚鱗差十萬家淮楚荆湖一都會西

風吹盡庾公塵秋影涵空動碧雲欲識古今興廢
事細看文簡李公文

題曾無疑飛龍飲秣圖

雲巢示我良馬圖一騎欲水一騎芻竹批雙耳目
搖電毛色純一骨相殊何人貌此真權奇筆端疑
有渥洼池駑駘當用驂騮老羸得畫圖人看好盆
中飲槽中秣無用霜蹄空立鐵何如渴飲長城濠
上波饑則飽喫天山禾振首長鳴載猛士龍荒踏
碎犬羊窠

儒衣陳其姓工於畫牛馬魚一一持六簇爲
贈以換詩

生絹六幅淡墨圖伊人筆端有造化驂騮汗血捉
電光牯犍倦耕眠草下陂塘漠漠烟雨後出水羣
魚戲瀟灑細看物物有生意不比尋常能畫者請
君就此三景中揮毫添我作漁翁岸頭孤石持竿
坐白鷺同居蒲葦叢有時尋詩出游衍款段徐行
山路遠奚奴逐後背錦囊木杪斜陽鴉噪晚有時
策笠過田間農婦農夫相往還手放鉏犁吹短笛

石屏七言古 卷二
日暮青郊黃犢閑王孫貴人不識此此是吾儂佳
絕處掛君圖書讀吾詩令人懶踏長安路

黃州棲霞卽景呈謝深道國正

朝來欄檻倚晴空春來烟雨迷飛鴻白衣蒼狗易
改變淡粧濃抹難小客蘆洲渺渺去無極數點斷
山橫遠碧樊山諸峯立一壁非烟非霧籠秋色須
臾黑雲如潑墨欲雨不雨不可得須臾雲開見落
日忽展一機雲錦出一態未了一態生愈變愈奇
人莫測使君把酒索我詩索詩不得呼畫師要知

作詩如作畫人力豈能窮造化

題上虞縣信芳堂

河陽種桃彭澤柳歲歲春風誇不朽何如君種一
池蓮開向五月六月天紅粧當暑清無汗綠葉染
風香不斷坐令百里盡清涼天乃贈君雲錦段此
花不可無此堂主人姓字同芬芳更看堂後參差
竹醉倚炎空舞寒綠

徐京伯通判晚歲得二子

竹隱種竹知幾年千竿萬竿長拂天羣飛不敢下

石屏七言古 卷二
棲止常有清風凜凜然丹穴飛來兩雛鳳鳳來此
竹爲之重牙籤玉軸帶芸香家藏萬卷爲渠用人
間豚犬不足多我來爲作徐卿二子歌手傳竹隱
文章印看取他日官職高峩峩

寄報恩長老恭率翁

報恩千楹歸一炬佛也不能逃劫數寶坊化作瓦
礫場堪笑月庭來又去率翁修造鳳樓手第一能
將無作有神工作舍鬼築牆鞭笞木石能飛走風
斤月斧日紛然行看華屋突兀在眼前好留一室
館狂客早晚來叅文字禪

織婦歎

春蠶成絲復成絹養得夏蠶重剝繭絹未脫軸擬
輸官絲未落車圖贖典一春一夏爲蠶忙織婦布
衣仍布裳有布得着猶自可今年無麻愁殺我

鄂渚張唐卿周嘉仲送別

武昌江頭人送別楊柳秋來不堪折漢陽門外望
南樓昨日不知今日愁英雄握手新相識人情正
好成南北酒闌人散最關情一鴈西飛楚天碧

詰燕

去年汝來巢我屋梁間
汗泥高一尺啄腥拋穢不
汝厭生長羣雛我護惜家貧惠愛不及人自謂於
汝獨有力不望汝如靈蛇銜寶珠雀獻金環來報
德春風期汝一相顧對語茅簷慰岑寂如何今年
來於我絕蹤跡一貪簾幕畫堂間便視吾廬爲棄
物

寄趙鼎臣

學如劉子政不假校書天祿閣
文如李太白不使

待詔金鑾殿倚樓終日看廬山
贏得虛名聞九縣才忌太高心忌太清
平平穩穩爲公爲卿
騏驎可羈乃歸帝閑
麟鳳莫馴爲瑞人間
爲瑞徒能好騏驎可羈
終遠到歲寒心事幾人知
手把梅花供一笑

毗陵天慶觀畫龍自題
姑蘇羽士李懷仁醉筆詩呈王君保寺丞使君

姑蘇道士天酒星
醉筆寫出雙龍形
墨蹟從橫奪造化
蜿蜒滿壁令人驚
一龍翻身出雲表
口吞八

石屏詩集卷二終
極滄溟小手弄寶珠珠欲飛握入掌中拳五瓜一
龍排山山爲開頭角與石爭崔嵬波濤怒起接雲
氣不向九霄行雨來萬物焦枯天作旱兩雄壁隱
寧非懶真龍不用只畫圖猛拍欄干寄三歎

石屏詩集卷二終

